

შეზღუდული პასუხისმგებლობის საზოგადოება

„დელტა ინტერნეიშენალ“



შესყიდვის ელექტრონული პროცედურის დოკუმენტაცია
„მარკები, ჩეკების წიგნაკები, ბანკნოტები, აქციები, სარეკლამო მასალა,
კატალოგები და სახელმძღვანელოები“
CPV- „22400000“

სახელმწიფო შესყიდვის შესახებ

დაფინანსების წყარო - საკუთარი სახსრები

2016 წელი

ქ. თბილისი

ს ა რ ზ ე ვ ი

- 1) ინსტრუქცია შესყიდვის ელექტრონულ
პროცედურაში მონაწილეობისთვის ----- 3
- 2) ტექნიკური დოკუმენტაცია ----- 4
- 3) დანართი №1 - რეკვიზიტები ----- 6
- 4) დანართი №2 - ფასების ცხრილი -----7
- 5) სახელმწიფო შესყიდვის შესახებ ხელშეკრულების პროექტი -----8
- 6) ტექნიკური დავალება ----- 17

ინსტრუქცია შესყიდვის ელექტრონულ პროცედურაში მონაწილეთათვის

- სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვების პროცედურები ხორციელდება „შპს „დელტა ინტერნეიშენალისთვის“ საქონლისა და მომსახურების შესყიდვების სპეციალური წესის დამტკიცების შესახებ“ საქართველოს მთავრობის 2015 წლის 9 ოქტომბრის №525 დადგენილების შესაბამისად.
- შესყიდვის ელექტრონულ პროცედურასთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს შესყიდვის ელექტრონული პროცედურის კომისია.
- სახელმწიფო შესყიდვების ერთიან ელექტრონულ სისტემაში (შემდგომში-სისტემა) ატვირთული ყველა დოკუმენტი ან/და ინფორმაცია ხელმოწერილი და ბეჭედდასმული (ბეჭდის არარსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნას მინდობილობა ან რწმუნებულება).
- სახელმწიფო შესყიდვების შესახებ ხელშეკრულების ფორმა და პირობები მოცემულია შესყიდვის ელექტრონული პროცედურის დოკუმენტაციაში, რომელიც ხელშეკრულების დადების მომენტისათვის დაზუსტდება პრეტენდენტის წინადადების შესაბამისად.
- პრეტენდენტს არა აქვს უფლება წარმოადგინოს ალტერნატიული წინადადება.
- პრეტენდენტი ვალდებულია, სისტემის მეშვეობით წარადგინოს წინადადების უზრუნველყოფის გარანტია. წინადადების უზრუნველყოფის გარანტია შესაძლებელია გაცემულ იქნეს, როგორც საბანკო, ისე სადაზღვევო დაწესებულების მიერ.
- წინადადების უზრუნველყოფის გარანტიის ოდენობა შეადგენს შესყიდვის ობიექტის სავარაუდო ღირებულების 5 (ხუთი) პროცენტს.
- წინადადების უზრუნველყოფის ასლი წარმოდგენილი უნდა იყოს სისტემის მეშვეობით.
- წინადადების უზრუნველყოფის გარანტიის დედანი წარმოდგენილი უნდა იყოს წინადადების მიღება დასრულებულია მომდევნო სამუშაო დღეს.
- შესყიდვის ელექტრონულ პროცედურის დოკუმენტაციის შესახებ ინფორმაცია შეგიძლიათ მიიღოთ შესყიდვის ელექტრონულ პროცედურის კომისიის აპარატის წევრისგან: გიორგი ფაცაცია 595-24-85-10. ელ. ფოსტა: gpatsatsia@delta.gov.ge ქ. თბილისი, ბერი გაბრიელ სალოსის გამზირი #191.

ტექნიკური დოკუმენტაცია

- შესყიდვის ობიექტი: შპს „დელტა ინტერნეიშენალ“-ისთვის კატალოგების (CPV22461000) შესყიდვა.
- შესყიდვის საორიენტაციო ღირებულება - 3250.00 (სამი ათას ორასორმოცდაათი) ლარი.

1. საქონლის მიწოდების ვადა და პირობები:

- 1.1. მიწოდების ვადა: ხელშეკრულების გაფორმებიდან არაუგვიანეს 10 (ათი) სამუშაო დღისა.
- 1.2. მიწოდების ადგილი: ქ. თბილისი, ბერი გაბრიელ სალოსის გამზ. N191

2. შესყიდვის ელექტრონული პროცედურის წინადადების ფასი:

- 2.1. შესყიდვის ელექტრონული პროცედურის წინადადების საერთო და ერთეული ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა ხარჯის და გადასახადის გათვალისწინებით, მათ შორის დ.დ.გ.-ს ჩათვლით.
- 2.2. შესყიდვის ელექტრონული პროცედურის წინადადების საერთო და ერთეულის ფასის წარმოდგენა დასაშვებია მხოლოდ ლარებში.

3. ანგარიშსწორების პირობები

- 3.1. ანგარიშსწორება მოხდება უნაღდო ანგარიშსწორებით ლარში.
- 3.2. ანგარიშსწორება მოხდება მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის განმავლობაში.
- 3.3. წინასწარი ანგარიშსწორების შემთხვევაში მიმწოდებელი ვალდებულია წარადგინოს ამავე ოდენობის თანხაზე საბანკო გარანტია. უპირობო და გამოუთხოვადი საბანკო გარანტიის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.
- 3.4. გარანტია შესაძლებელია გაცემული იქნას როგორც საქართველოში მოქმედი საბანკო დაწესებულებ(ებ)იდან, ისე სადაზღვევო კომპანიიდან.

4. პრეტენდენტის მიერ სისტემაში ასატვირთი ინფორმაცია:

- 4.1. რეკვიზიტები - დანართი №1;
- 4.2. ფასების ცხრილი - დანართი №2, ტექნიკური დავალებით (იხ. გვ.16) დადგენილი (ან იდენტური) ტექნიკური მახასიათებლების შესაბამისად;
- 4.3. წინადადების უზრუნველყოფის გარანტია, რომლის ოდენობაც შეადგენს შესყიდვის ობიექტის სავარაუდო ღირებულების 5 (ხუთი) პროცენტს.

შენიშვნა:

- სისტემაში ატვირთული დოკუმენტები ხელმოწერილი უნდა იყოს ხელმძღვანელის ან პრეტენდენტის უფლებამოსილი პირის მიერ შესაბამისი უფლებამოსილების დამადასტურებელი დოკუმენტის თანდართვით.

5. დამატებითი ინფორმაცია:

- 5.1. პრეტენდენტის მიერ შესყიდვის ელექტრონულ პროცედურაში მონაწილეობის მიღება (წინადადების წარმოდგენა) ნიშნავს, რომ იგი სრულად ეთანხმება შემსყიდვლის შესყიდვის ელექტრონულ პროცედურის დოკუმენტაციით გათვალისწინებულ მოთხოვნებს
- 5.2. ინფორმაცია მისაწოდებელი საქონლის მწარმოებელი ქვეყნის, ფირმის და მოდელის შესახებ დანართი N2 ფასების ცხრილი; მოდელის/მარკის არ არსებობის შემთხვევაში პრეტენდენტმა უნდა წარმოადგინოს ინფორმაცია მოდელის არ არსებობის შესახებ.
- 5.3. ხელშეკრულებაში დაფიქსირებული ფასების შეცვლა დაუშვებელია თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები “შემსყიდველი”-სათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.
- 5.4. ტექნიკურ დოკუმენტაციასთან დაკავშირებით კითხვების არსებობის შემთხვევაში ინფორმაცია შეგიძლიათ მიიღოთ: შპს „დელტა ინტერნეიშენალ“-ის მრჩეველი სახელმწიფო შესყიდვების საკითხებში ზვიად საყვარელიძე ტელ: 595 04 24 41. ელ. ფოსტა: zsakvarelidze@delta.gov.ge ქ. თბილისი, ბერი გაბრიელ სალოსის გამზ. N191.

6. მოთხოვნები ფასების ცხრილის მიმართ

- 6.1. შემსყიდვლის მოთხოვნის შემთხვევაში ფასების ცხრილის დაზუსტებამ, ფასების ცხრილის არცერთ პოზიციაზე არ უნდა გამოიწვიოს შესყიდვის ობიექტების ერთეულის ღირებულების გაზრდა.
- 6.2. თუ ელექტრონული ვაჭრობის შედეგად ერთიან ელექტრონულ სისტემაში დაფიქსირებული საბოლოო ფასიდან გამომდინარე მისაწოდებელი საქონლის ერთეულის ღირებულებები დაჯდება მრავალნიშნა ათწილადი, პრეტენდენტი ვალდებულია აღნიშნული ღირებულებები შეამციროს და დაამრგვალოს მეასედებამდე, შესაბამისად ამ მიზნის მისაღწევად საჭიროების შემთხვევაში შეამციროს წინადადების ჯამური ღირებულებაც.
- 6.3. ამ მუხლის 6.1. და 6.2. პუნქტების დაუცველობა გამოიწვევს პრეტენდენტის დისკვალიფიკაციას.

7. ნიმუშის წარმოდგენის პირობა

- 7.1. ყველაზე დაბალი ფასის წინადადების მქონე პრეტენდენტის მიერ სისტემაში ატვირთული ტექნიკური დოკუმენტაციის, მათ შორის, დაზუსტებული ტექნიკური დოკუმენტაციის, შესყიდვის ელექტრონული პროცედურის განცხადებითა და შესყიდვის ელექტრონული პროცედურის დოკუმენტაციით განსაზღვრულ მოთხოვნებთან შესაბამისობის დადგენისთანავე, შესყიდვის ელექტრონული პროცედურის კომისია მიმართავს პრეტენდენტს შემოთავაზებული საქონლის ნიმუშების წარმოდგენის მოთხოვნით.
- 7.2. პრეტენდენტმა უნდა წარმოადგინოს შემსყიდველ ორგანიზაციაში შემოთავაზებული საქონლის ნიმუშები მოთხოვნიდან არაუგვიანეს 3 (სამი) სამუშაო დღის განმავლობაში. ნიმუშების შემსყიდველ ორგანიზაციაში წარმოდგენილობა ან/და არასრულყოფილად წარმოდგენა გამოიწვევს პრეტენდენტის დისკვალიფიკაციას.

- 7.3. იმ შემთხვევაში თუ წარმოდგენილი ნიმუში ვიზუალური დათვალიერებით არ გამოირჩევა მაღალი ხარისხით და ტექნიკური შესრულებით შესყიდვის ელექტრონული პროცედურის კომისიას უფლება აქვს მოახდინოს პრეტენდენტის დისკვალიფიკაცია.
- 7.4. შესყიდვის ელექტრონული პროცედურის კომისია, აგრეთვე უფლებას იტოვებს საჭიროების შემთხვევაში დაავალოს პრეტენდენტს მისივე ხარჯებით ჩაუტაროს ექსპერტიზა ნიმუშებს ტექნიკური დავალებით მოთხოვნილ მახასიათებლებთან შესაბამისობის დადგენის მიზნით, რომელიც პრეტენდენტმა უნდა წარმოადგინოს მოთხოვნიდან არაუგვიანეს 3 (სამი) სამუშაო დღის განმავლობაში. ამასთან დასკვნა წარმოდგენილი უნდა იყოს სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-დან ან სსიპ აკრედიტაციის ერთიანი ეროვნული ორგანოს - აკრედიტაციის ცენტრის მიერ შესაბამის სფეროში აკრედიტებული ნებისმიერი პირისგან. (დასკვნასთან ერთად წარმოდგენილ უნდა იქნას დასკვნის გამცემი პირის აკრედიტაციის დამადასტურებელი დოკუმენტის ასლი)
- 7.5. ხელშეკრულების გაფორმების შემდეგ მოწოდებული საქონლისა და პრეტენდენტის მიერ წარმოდგენილ ნიმუშს შორის სხვაობის შესახებ, წარმოქმნილი საფუძვლიანი ეჭვის შემთხვევაში „შემსყიდველს“ უფლება აქვს „მომწოდებლის“ თანდასწრებით საქონლის მოწოდებული პარტიიდან, შერჩევით ამოიღოს ნიმუშები და ჩაუტაროს მას დამატებითი საექსპერტო კვლევა, შესყიდვის ელექტრონული პროცედურის დოკუმენტაციით მოთხოვნილ პარამეტრებთან შესაბამის შემოწმების მიზნით. დასკვნის საფუძველზე გამოვლენილი უარყოფითი შეუსაბამობების შემთხვევაში, საქონელი დაუბრუნდება „მომწოდებელს“, გამომდინარე შედეგებით.
- 7.6. წარმოდგენას ექვემდებარება ტექნიკური დავალების თითოეული პოზიციით გათვალისწინებული თითო ერთეული ნიმუში.

რეკვიზიტები

პრეტენდენტის იურიდიული ფორმა და დასახელება	
ხელმძღვანელის სახელი და გვარი (თანამდებობის მითითებით)	
პრეტენდენტის იურიდიული ან/და ფაქტიური მისამართი	
საიდენტიფიკაციო კოდი	
პრეტენდენტის ტელეფონის ნომერი	
ელექტრონული მისამართი	
მომსახურე ბანკის დასახელება	
ბანკის კოდი	
ანგარიშის ნომერი	

პრეტენდენტის ხელმოწერა, ბეჭედი _____

შესყიდვის ელექტრონული პროცედურის წინადადების ფასი
(დღგ-ს გათვალისწინებით, ლარი) და ფასების ცხრილი

_____ (შევსების თარიღი)

_____ აღნიშნულ საქონელს გთავაზობთ _____ (_____) ლარად
(პრეტენდენტის დასახელება) (თანხა ციფრებით) (თანხა სიტყვიერად)

#	საქონლის დასახელება	მწარმოებელი კომპანია	მოდელი /მარკა	საქონლის მახასიათებლები	წარმოშობის ქვეყანა	განზ. ერთ.	რაოდენობა	ერთ. ფასი	საერთ. ფასი	მიწოდების ვადა	მიწოდების ადგილი
	1	2	3	4	5	6	7	8	9	10	11
1											
2											
3											
.											
.											

პრეტენდენტის ხელმოწერა, ბეჭედი _____

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება შესყიდვის ელექტრონული პროცედურის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულება სახელმწიფო შესყიდვის შესახებ №

„ — „ — “

ქ. თბილისი

ერთის მხრივ _____ (შემდგომში - შემსყიდველი)

(შემსყიდველის დასახელება და იურიდიული მისამართი)

და მეორეს მხრივ _____ (შემდგომში - მიმწოდებელი)

(მიმწოდებლის დასახელება და იურიდიული მისამართი)

იმის გათვალისწინებით, რომ შემსყიდველმა ჩაატარა შესყიდვის ელექტრონული პროცედურა (SPA _____), რომელშიც გამარჯვებულად მიჩნეულ იქნა მიმწოდებლის წინადადება, რომლის თანახმადაც, მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი _____ ლარად (შემდგომში “ხელშეკრულების ფასი”).

(ხელშეკრულების თანხა ციფრებითა და სიტყვიერად)

1. გამოყენებული ტერმინების განმარტებები

- 1.1. ხელშეკრულებაში გამოყენებულ ტერმინებს აქვს შემდეგი მნიშვნელობები:
- 1.2. “ხელშეკრულება სახელმწიფო შესყიდვების შესახებ” (შემდგომ “ხელშეკრულება”) - შემსყიდველ ორგანიზაციასა და შესყიდვის ელექტრონულ პროცედურაში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით, ასევე მთელი დოკუმენტაციით, რომელზეც ხელშეკრულებაში არის მინიშნებული;
- 1.3. “ხელშეკრულების ჯამური ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულების სრულად და ზედმიწევნით შესრულებისთვის;
- 1.4. “შემსყიდველი ორგანიზაცია” (შემდგომში “შემსყიდველი”) ნიშნავს ორგანიზაციას (დაწესებულებას), რომელიც ანხორციელებს შესყიდვას;
- 1.5. “მიმწოდებელი” ნიშნავს პირს, რომელმაც მოიპოვა გამარჯვება შესყიდვის ელექტრონულ პროცედურაში და აწვდის საქონელს სახელმწიფო შესყიდვების შესახებ მოცემული ხელშეკრულების ფარგლებში;
- 1.6. “დღე”, “კვირა”, “თვე” ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1. მიმწოდებელი იღებს ვალდებულებას, ამ ხელშეკრულებით გათვალისწინებული პირობების და ხელშეკრულების დანართ(ებ)ის შესაბამისად მიაწოდოს შემსყიდველს საქონელი.

3. ხელშეკრულების ჯამური ღირებულება

- 3.1. ხელშეკრულების ჯამური ღირებულება შეადგენს ----- ლარს და მოიცავს მიმწოდებლის ყველა ხარჯს, დაკავშირებულს საქონლის მიწოდებასთან, ტრანსპორტირებასთან და შემსყიდველისათვის საკუთრებაში გადაცემასთან, მათ შორის კანონმდებლობით დადგენილ ყველა გადასახადს, მოსაკრებელსა და სახდელს.
- 3.2. საქონლის ერთეულის ფასი და რაოდენობა განისაზღვრება ხელშეკრულების დანართ(ებ)ში

4. ანგარიშსწორება

- 4.1. შემსყიდველი იღებს ვალდებულებას, გადაუხადოს მიმწოდებელს მიწოდებული საქონლის ღირებულება ამ საქონლის მიღება-ჩაბარების აქტის ხელმოწერიდან 10 (ათი) სამუშაო დღის ვადაში ამ ხელშეკრულებით გათვალისწინებული დოკუმენტაციის საფუძველზე;
- 4.2. წინასწარი ანგარიშსწორების შემთხვევაში მიმწოდებელი ვალდებულია წარადგინოს ამავე ოდენობის თანხაზე საბანკო გარანტია. უპირობო და გამოუთხოვადი საბანკო გარანტიის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.
- 4.3. გარანტია შესაძლებელია გაცემული იქნას როგორც საქართველოში მოქმედი საბანკო დაწესებულებ(ებ)იდან, ისე სადაზღვევო კომპანიიდან.
- 4.4. ანგარიშსწორების ვალუტა: ლარი;
- 4.5. ანგარიშსწორების ფორმა: უნაღდო (საბანკო გადარიცხვა);
- 4.6. თუ გარანტიით უზრუნველყოფილი ვალდებულება გარანტიის ვადის ამოწურვამდე შესრულდა, გარანტიის (მათ შორის შესრულებული ვალდებულების ნაწილში) მოქმედების ვადა შესაძლებელია ვადად შეწყდეს ან შემცირდეს, შემსყიდველის მიერ მიმწოდებლის ვალდებულების შესრულების დადასტურების შემთხვევაში.

5. სტანდარტები

- 5.1. ხელშეკრულება ფარგლებში მიწოდებული საქონელი უნდა შეესაბამებოდეს ტექნიკურ დოკუმენტაციაში მითითებულ სტანდარტებს.

6. საპატენტო უფლებები

- 6.1. საქონლის ან მისი ნებისმიერი ნაწილის გამოყენებისას საპატენტო უფლებების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

7. ხელშეკრულების შესრულების კონტროლი

- 7.1. ხელშეკრულებით ნაკისრი ვალდებულებების შესრულების კონტროლს განახორციელებს შპს „დელტა ინტერნეიშენალ“-ის ლოგისტიკოსი გიორგი იაკობიძე.
- 7.2. ფუნქციებია:
- 7.3. მისაწოდებელი და/ან მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება და მიღება-ჩაბარების აქტის გაფორმება;
- 7.4. სახელმწიფო შესყიდვების შესახებ ხელშეკრულების პირობების შესაბამისად მიმწოდებელთან ანგარიშსწორების პროცესის რეგულირება.

8. საქონლის მიწოდების პირობები

- 8.1. საქონლის მიწოდება უნდა განხორციელდეს ხელშეკრულების დადებიდან _____ დღის განმავლობაში;
- 8.2. საქონლის მიწოდება უნდა განხორციელდეს ადგილზე: ქ. თბილისი, _____

9. ხარისხი

- 9.1. საქონლის ტექნიკური მახასიათებლები და ხარისხი ერთდროულად უნდა შეესაბამებოდეს ამ ხელშეკრულებისა და შემსყიდველის მიერ განსაზღვრულ ტექნიკურ პირობებს და/ან წარმოდგენილი ნიმუშის (ნიმუშის წარდგენის ვალდებულების შემთხვევაში) პარამეტრებს.

10. გარანტია

- 10.1. მიწოდებული საქონლის სრულფასოვანი ფუნქციონირებისათვის (ვარგისობის) საგარანტიო ვადა განისაზღვრება შესყიდვის ელექტრონული პროცედურის დოკუმენტაციის ტექნიკური მოთხოვნით;
- 10.2. თუ საგარანტიო პერიოდში აღმოჩნდება ნაკლი, მიმწოდებელი ვალდებულია, შემსყიდველის შეტყობინების მიღებიდან 5 (ხუთი) დღეში განიხილოს (დააკმაყოფილოს ან განაცხადოს მოტივირებული უარი) შემსყიდველის შეტყობინება და შემსყიდველის მოთხოვნის შესაბამისად 10 (ათი) დღის ვადაში გამოსწოროს ნაკლი, შეცვალოს დეფექტური ნაწილი/საქონელი, ან დაუბრუნოს შემსყიდველს გადახდილი თანხა.

11. შესყიდვის ობიექტის მიღება-ჩაბარების წესი

- 11.1. მიმწოდებლის მიერ საქონლის გადაცემა და შემსყიდველის მიერ მისი მიღება დასტურდება ორივე მხარის უფლებამოსილი წარმომადგენლების მიერ ხელმოწერილი მიღება-ჩაბარების აქტით.
- 11.2. მიღება-ჩაბარების აქტის გაფორმების შემთხვევაში, საქონლის მიწოდების თარიღად ჩაითვლება შემსყიდველისათვის საქონლის დროებით შენახვაზე გაფორმებული მიღება-ჩაბარების აქტის თარიღი
- 11.3. საქონლის დროებით შენახვაზე გაფორმებული მიღება-ჩაბარების აქტი არ წარმოადგენს საქონლის საბოლოოდ მიღების დამადასტურებელ დოკუმენტს და არ წარმოშობს ანგარიშსწორების ვალდებულებას;

- 11.4. შემსყიდველი უფლებამოსილია, განაცხადოს უარი საქონლის ან მისი ნაწილის მიღებაზე და მათ ანაზღაურებაზე, თუ:
- 11.4.1. იგი უხარისხოა (მათ შორის ხელშეკრულებით გათვალისწინებული ხარისხის შეუსაბამო); ან/და
- 11.4.2. მიწოდებულია ხელშეკრულებაში მითითებულ რაოდენობაზე მეტი ოდენობით (ნამეტის ფარგლებში); ან/და
- 11.4.3. მიწოდებულია ხელშეკრულებაში მითითებულ რაოდენობაზე ნაკლები; ან/და
- 11.4.4. სრული მოცულობით არ არის წარმოდგენილი ხელშეკრულებით გათვალისწინებული დოკუმენტაცია; ან/და
- 11.4.5. ხარვეზების გამოსწორება შეუძლებელია; ან/და
- 11.4.6. კანონმდებლობით გათვალისწინებულ სხვა შემთხვევებში;
- 11.5. მიღება-ჩაბარების აქტის ხელმოწერამდე, ყველა ქონებრივი უფლება საქონელზე ეკუთვნის მიმწოდებელს და რისკები მისი შემთხვევით (მთლიანად ან ნაწილობრივ) დაღუპვაზე, გაფუჭებაზე ან სხვა ზიანზე ეკისრება მიმწოდებელს, ხოლო მიღება-ჩაბარების აქტის ხელმოწერის მომენტიდან აღნიშნული უფლებები და რისკები გადადის შემსყიდველზე.
- 11.6. საქონლის (მისი ნაწილის) მიღების და/ან საბოლოო შემოწმების შედეგად გამოვლენილი ნაკლის აღმოფხვრას საკუთარი ხარჯებით უზრუნველყოფს მიმწოდებელი;
- 11.7. მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო (ხელშეკრულებით გათვალისწინებული ხარისხის) საქონელი.

12. ხელშეკრულების შესრულების უზრუნველყოფის გარანტია

- 12.1. ხელშეკრულების უზრუნველყოფის საბანკო გარანტია არ მოითხოვება

13. უფლებების გადაცემა

- 13.1. დაუშვებელია მიმწოდებლის მიერ ხელშეკრულებით გათვალისწინებული უფლება-მოვალეობების მთლიანად ან ნაწილობრივ სხვა პირისთვის გადაცემა შემსყიდველის წინასწარი წერილობითი თანხმობის გარეშე.

14. ხელშეკრულების შესრულების შეფერხება

- 14.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომლის გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება ამ გარემოებებთან დაკავშირებით.
- 14.2. თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების შესახებ, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით. შეთანხმების შემთხვევაში გადავადებულ პერიოდზე მხარეს არ დაეკისრება პირგასამტეხლო.

15. ხელშეკრულებაში ცვლილებების შეტანა

- 15.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა;
- 15.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;
- 15.3. ნებისმიერი ცვლილება, რომელსაც მოჰყვება ხელშეკრულების ჯამური ღირებულების გაზრდა ან შემსყიდვლისათვის პირობების გაუარესება დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;
- 15.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა;
- 15.5. ხელშეკრულების პირობების ნებისმიერი ცვლილება უნდა გაფორმდეს ორმხრივად ხელმოწერილი წერილობითი დოკუმენტის შედგენით, რაც წარმოადგენს ხელშეკრულების განუყოფელ ნაწილს;
- 15.6. ხელშეკრულებაში დამატებების და/ან ცვლილებების შეტანის დოკუმენტს ხელს აწერს მხარეთა უფლებამოსილი წარმომადგენელ(ებ)ი.

16. ხელშეკრულების პირობების შეუსრულებლობა

- 16.1. მიმწოდებლის მიერ ამ ხელშეკრულებით გათვალისწინებული მოთხოვნების შეუსრულებლობის შემთხვევაში, მიმწოდებელს წინასწარი შეტყობინების გარეშე დაეკისრება შემსყიდვლისათვის შემდეგი ოდენობის პირგასამტეხლოს გადახდა:
 - 16.1.1. საქონლის მიუწოდებლობისთვის (მათ შორის ხელშეკრულებით განსაზღვრულ ვადაში, უხარისხო, არასრული მოცულობით, საჭირო დოკუმენტაციის გარეშე) ხელშეკრულების მთლიანი ღირებულების 0.1% ყოველ ვადაგადაცილებულ დღეზე, მაგრამ არაუმეტეს ხელშეკრულების ჯამური ღირებულების 2%-სა.
 - 16.1.2. იმ შემთხვევაში თუ 16.1.1 პუნქტით განსაზღვრული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შეწყვეტის მომენტისათვის გადასახდელი პირგასამტეხლოს ანაზღაურება და არ აუნაზღაუროს მიმწოდებელს შეუსრულებელი ვალდებულების ღირებულება.
- 16.2. თუ მიმწოდებელს შემსყიდვლისაგან მიღებული აქვს ავანსი და/ან ხელშეკრულებას ამოეწურა ვადა მათ შორის შეწყდა ვადამდე, მაშინ:
 - 16.2.1. მიმწოდებელი ვალდებულია ხელშეკრულების შეწყვეტიდან 10 დღის ვადაში დაუბრუნოს შემსყიდველს ავანსი (მიღება-ჩაბარების აქტით გაფორმებული და შესრულებული ნაწილის გამოკლებით);
 - 16.2.2. წინასწარი შეტყობინების გარეშე, 16.1 პუნქტით გათვალისწინებულ პირგასამტეხლოს დამატებით, დაეკისრება შემსყიდვლისათვის პირგასამტეხლოს გადახდა ავანსად მიღებული და ავანსიდან შეუსრულებელი თანხის 3%-ის ოდენობით ავანსის მიღების დღიდან თანხის ფაქტობრივად დაბრუნებამდე ყოველ თვეზე (არასრული თვე დაანგარიშდება პროპორციულად, დღეების მიხედვით).

- 16.3. პირგასამტეხლოს დარიცხვის მიუხედავად შემსყიდველი უფლებამოსილია:
- 16.3.1. ამ ხელშეკრულებით გათვალისწინებული პირობების დაცვით, შეწყვიტოს ან შეინარჩუნოს ეს ხელშეკრულება;
- 16.3.2. მიღება-ჩაბარების აქტი გააფორმოს საქონლის მხოლოდ იმ ნაწილზე, რომელიც შეესაბამება ამ ხელშეკრულებით განსაზღვრულ მოთხოვნებს, ხოლო საქონლის იმ ნაწილზე, რომელიც არ შეესაბამება ამ ხელშეკრულებით განსაზღვრულ მოთხოვნებს დაარიცხოს პირგასამტეხლო 16.1.1 ქვეპუნქტის შესაბამისად.
- 16.4. შემსყიდველის მიერ ამ ხელშეკრულებით განსაზღვრული ანაზღაურების შეთანხმებულ ვადაში მიმწოდებლისათვის გადაუხდელობის შემთხვევაში შემსყიდველს ეკისრება მიმწოდებლისათვის პირგასამტეხლოს გადახდა ყოველ ვადაგადაცილებულ სამუშაო დღეზე გადაუხდელი თანხის 0.1%-ის ოდენობით, მაგრამ არაუმეტეს ხელშეკრულების ჯამური ღირებულების 2%-სა.

17. ხელშეკრულების შეწყვეტა

- 17.1. ეს ხელშეკრულება შეიძლება ვადამდე შეწყდეს:
- 17.1.1. ორმხრივი წერილობითი შეთანხმებით ნებისმიერ დროს;
- 17.1.2. ნებისმიერი მხარის ინიციატივით, ცალმხრივად, თუ მეორე მხარე არ/ან არაჯეროვანად ასრულებს ნაკისრ ვალდებულებას, რის თაობაზეც ამ მეორე მხარეს წერილობით მიეცა გაფრთხილება და ამ დარღვევის გამოსასწორებლად მიეცა დამატებითი ვადა არანაკლებ ---- დღის ოდენობით. ამასთან, დამატებითი ვადა შეიძლება არ მიეცეს თუ აშკარაა, რომ მას შედეგი არ ექნება, ან ვალდებულების არ ან არაჯეროვანად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესი ეკარგება, ასევე საქართველოს სამოქალაქო კოდექსით გათვალისწინებულ შემთხვევებში.
- 17.2. ხელშეკრულების შეწყვეტა (მათ შორის ვადის გასვლის გამო შეწყვეტა) არ ათავისუფლებს მხარეებს:
- 17.2.1. იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა ან/და მოთხოვნის უზრუნველყოფის დამატებით საშუალებად გამოიყენება (ამ მოთხოვნის არსებობის პერიოდში);
- 17.2.2. ზიანის ანაზღაურების მოთხოვნის დაკმაყოფილებისაგან ან/და ვალდებულებისაგან (ზიანის არსებობის შემთხვევაში);
- 17.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულების შესრულებისაგან.

18. ფორს-მაჟორი

- 18.1. მხარეები თავისუფლდებიან პასუხისმგებლობისაგან ვალდებულებების სრული ან ნაწილობრივი შეუსრულებლობისათვის ფორს-მაჟორის შემთხვევაში, როდესაც ნაკისრი ვალდებულებების შესრულება შეუძლებელია.
- 18.2. "ფორს-მაჟორის" ქვეშ იგულისხმება გარემოება, რომლის არ არსებობა ამ ხელშეკრულების დადებისას და რომლის თავიდან აცილება ან გადალახვა მხარეს არ შეეძლო, კერძოდ: საომარი მდგომარეობა/საბრძოლო მოქმედება, წყალდიდობა, მიწისძვრა, ხანძარი, ავარია, გაფიცვა, ეპიდემია, საბიუჯეტო ასიგნების მკვეთრი შემცირება და სხვა მსგავსი გარემოებანი.

- 18.3. მხარე, რომლისთვისაც ფორს-მაჟორის გამო შეუძლებელი შეიქმნა ვალდებულების შესრულება, ვალდებულია დაუყოვნებლივ (ფორს-მაჟორის დადგომიდან არა უგვიანეს სამუშაო დღისა) აცნობოს მეორე მხარეს ნაკისრი ვალდებულების შეუსრულებლობის შესახებ. შეუტყობინებლობის ან დაგვიანების შემთხვევაში იგი კარგავს უფლებას დაეყრდნოს ფორს-მაჟორის არსებობას, როგორც პასუხისმგებლობისაგან განთავისუფლების საფუძველს. შეტყობინებაში მითითებული ფორს-მაჟორის ფაქტი უნდა დადასტურდეს.
- 18.4. ფორს-მაჟორის მიუხედავად მხარე, რომლისთვისაც ნაკისრი ვალდებულების შესრულება შეუძლებელი ხდება, კეთილსინდისიერებისა და გონიერების ფარგლებში, მიმართავს ვალდებულების შესრულების ყველა შესაძლო ალტერნატიულ ხერხს.
- 18.5. თუ ფორს-მაჟორული მდგომარეობა 30 დღეზე მეტ ხანს გრძელდება, მაშინ მხარეებს უფლება აქვთ ცალმხრივად შეწყვიტონ ხელშეკრულება.

19. სადავო საკითხების გადაწყვეტა

- 19.1. მხარეები თანხმდებიან რომ მათ შორის ამ ხელშეკრულებასა და მის განხორციელებასთან დაკავშირებული ნებისმიერი სადავო საკითხი მოლაპარაკების მეშვეობით მოაგვარონ.
- 19.2. თუ სადავო საკითხი მოლაპარაკებით ვერ მოგვარდა, ნებისმიერ მხარეს, დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

20. გადასახადები და დაბეგვრა

- 20.1. მიმწოდებელი პასუხს აგებს საქართველოს კანონმდებლობით დადგენილი გადასახადების, ბეგარის, მოსაკრებლების და სხვა გადასახადების გადახდაზე.

21. შეტყობინება

- 21.1. თუ ამ ხელშეკრულებით სხვა რამ არ არის გათვალისწინებული, მხარეთა შორის ამ ხელშეკრულების ფარგლებში ნებისმიერი ოფიციალური ურთიერთობა წარმოებს წერილობითი ფორმით და იგზავნება საფოსტო გზავნილის სახით ან მიეწოდება უშუალო ადგილსამყოფელის მიხედვით. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.
- 21.2. შემსყიდვლის მიერ შეტყობინება მიწოდებულად ითვლება იმ შემთხვევაშიც, თუ მან შეტყობინება გაგზავნა მიმწოდებლის ყოფილ მისამართზე, რომელიც მიმწოდებელმა შეცვალა, მაგრამ ამის თაობაზე არ აცნობა შემსყიდველს. ამ შემთხვევაში შეტყობინება მიწოდებულად ითვლება აგაგზავნის მეორე სამუშაო დღეს.

22. სხვა პირობები

- 22.1. ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2016 წლის _____.
- 22.2. ხელშეკრულების დანართ(ებ)ი წარმოადგენს წინამდებარე ხელშეკრულების განუყოფელ ნაწილს.
- 22.3. ყველა სხვა საკითხი რაც არ რეგულირდება ამ ხელშეკრულებით რეგულირდება საქართველოს კანონმდებლობით.
- 22.4. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 ეგზემპლარად.

მხარეთა რეკვიზიტები:

შემსყიდველი:

მიმწოდებელი:

შპს „დელტა ინტერნეიშენალ“
მისამართი: ქ.თბილისი, დიდუბე-ჩუღურეთის
რაიონი, მნათობის ქ., #73
საიდენტიფიკაციო კოდი № 401960614
საბანკო რეკვიზიტები:
სს „თიბისი ბანკი“
საბანკო კოდი TBCBGE 22
ანგარიშსწორების ანგარიში №
GE78TB7447436040100001

დირექტორი

_____ ოთარ ჩიტეიშვილი

ტექნიკური დავალება

N	დასახელება	CPV	ტექნიკური მახასიათებლები	ზ/ე	რაოდ.
1	კატალოგი (4 გვერდიანი)	22461000	ყდა - 250გრ ცარცი, ორმხრივი მათი ლამინაციით, ბეჭდვა 4+4, წამყვანი ფერი ლურჯი, შერჩევითი ლაკი ყდაზე; შიდა გვერდი - 200გრ ცარცი, ბეჭდვა 4+4, წამყვანი ფერი ლურჯი, ფურცლის ზომა A4, აკინძვა სკრეპით.	ცალი	200
2	კატალოგი (60 გვერდიანი)	22461000	ყდა - 250გრ ცარცი, ორმხრივი მათი ლამინაციით, ბეჭდვა 4+4, წამყვანი ფერი შავი, შერჩევითი ლაკი ყდაზე; შიდა გვერდი - 200გრ ცარცი, ბეჭდვა 4+4, წამყვანი ფერი შავი, ფურცლის ზომა A4, აკინძვა სკრეპით, 2 გვერდგაშლა - ჯამში 4 საკეცი გვერდი	ცალი	200

შენიშვნა:

- შემოთავაზებული საქონელი უნდა გამოირჩეოდეს მაღალი ხარისხით და ტექნიკური შესრულებით და შეესაბამებოდეს მოთხოვნილ ტექნიკურ პირობებს.
- ბეჭდვასთან დაკავშირებული სამუშაო მასალა მიმწოდებელს მიეწოდება ხელშეკრულების გაფორმების შემდეგ.

